

四庫全書

集部

欽定四庫全書

集部

山中白雲詞卷二

詳校官編修臣周瓊

侍讀臣孫球覆勘

總校官庶吉士臣何思鈞

校對官中書臣金光悌

謄錄監生臣黃廷璧

欽定四庫全書

集部十

山中白雲詞

詞曲類一

詞集之屬

提要

臣等謹案山中白雲詞八卷宋張炎撰炎字叔夏號玉田又號樂笑翁循王張俊之五世孫家於臨安宋亡後放誕不仕縱遊浙東西落拓以終平生工為長短句以春水詞得名人因號曰張春水其後編次詞集者即以此

首壓卷倚聲家傳誦至今然集中他調似此者尚多殆如賀鑄之稱梅子偶遇品題便為佳話耳所長實不止此也炎生於淳祐戊申當宗邦淪覆年已三十有三猶及見臨安全盛之日故所作往往蒼涼激楚即景抒情借以寫其身世盛衰之感非徒以剪紅刻翠為工至其研究聲律尤得神解以之接武姜夔宛然後勁宋元之間亦可謂江東獨秀矣炎

詞世鮮完帙此本乃錢中諧所藏猶明初陶
宗儀手書康熙中錢塘龔翔麟始為傳寫授
梓後上海曹炳曾又為重刊舊附樂府指迷
一卷今析出別著於錄其仇遠原序鄭思肖
原跋及舒岳祥送炎序則仍並錄之以存其
舊焉乾隆四十三年九月恭校上

總纂官臣紀昀臣陸錫熊臣孫士毅

總校官臣陸費墀

[illegible]

山中白雲詞原序

宋南渡勲王之裔子玉田張君自社稷變置凌烟廢墮
落魄縱飲北游燕薊上公車登承明有日矣一日思江
南菰米蓴絲慨然襆被而歸不入古杭扁舟淞水東西
為漫浪游散囊中千金裝吳江楚岸楓丹葦白一奚童
負錦囊自隨詩有姜堯章深婉之風詞有周清真雅麗
之思畫有趙子固瀟灑之意未脫承平公子故態笑語
歌哭騷姿雅骨不以夷險變遷也其楚狂與其阮籍與

其賈生與其蘇門嘯者與歲丁酉三月客我寧海將登
台峰於其行也舉觴贈言是月既望閬風舒岳祥序

詞與辭字通用釋文云意內而言外也意生言言生聲
聲生律律生調故曲生焉花間以前無雜譜秦周以後
無雅聲源遠而派別也西秦玉田張君著詞源上下卷
推五音之數演六六之譜按月紀節賦情詠物自稱得
聲律之學於守齋楊公南溪徐公淳祐景定間王邸侯
館歌舞升平君王

王疑
作方

處樂不知老之將至

下有
缺文

黎園

白髮滯宮蛾眉餘情哀思聽者淚落君亦因是棄家客
遊無方三十年矣昔柳河東銘姜祕書閔王孫之故態
銘馬淑婦感謳者之新聲言外之意異世誰復知者覽
君詞卷撫几三嘆江陰陸文奎序

聲音之道久廢玉田張君獨振戛乎喪亂之餘豈特藉
以怡適性情殆將以繼其傳也後之君子得是帙而逆
之則去希微不遠矣况幾經兵燹猶自璧全非天有以
寶之能至此乎尚德君子幸共表章庶於好古之懷無

憾焉耳吳門孝思殷重識

成化丙午春二月朔偶見是帙鶴城東門藥肆中即購得之南村先生手鈔者蓋百餘年矣凡三百首惜無錄目五月初九日輯錄以便檢閱或笑余衰遲目眩何不求諸善書者曰身健在飽食終日豈不勝博奕乎何計字之工拙使得時時展玩恍恍坐春風中聽玉田子慷慨灑落之言笑焉併錄以記歲月井時序

吾識張循王孫玉田先輩喜其三十年汗漫南北數千

里一片空狂懷抱日日化雨為醉自仰扳姜堯章史邦卿
廬蒲江吳夢窗諸名勝互相鼓吹春聲於繁華世界
飄飄徵情節節弄拍嘲明月以謔樂賣落花而陪笑能令
後三十年西湖錦繡山水猶生清響不容半點新愁飛
到遊人眉睫之上自生一種歡喜痛快豈無柔劣少年
於萬花叢中喚取新鶯穉蝶羣然飛舞下來為之賞聽
山外野人所南鄭思肖書於無何有之鄉

讀山中白雲詞意度超玄律呂協洽不特可寫音檀口

亦可被歌管薦清廟方之古人當與白石老仙相鼓吹
世謂詞者詩之餘然詞尤難於詩詞失腔猶詩落韻詩
不過四五七言而止詞乃有四聲五音均拍重輕清濁
之別若言順律舛律協言謬俱非本色或一字未合一
句皆廢一句未妥一闕皆不光采信戛戛乎其難又怪
陋邦腐儒窮鄉村叟每以詞為易事酒邊興豪即引紙
揮筆動以東坡稼軒龍洲自况極其至四字沁園春五
字水調七字鷓鴣天步蟾宮拊几擊缶同聲附和如梵

唄如步虛不知宮調為何物令老伶俊娼面稱好而背
竊笑是豈足與言詞哉余幼有此癖老頗知難然已有
三數曲流傳朋友間山歌村謠是豈足與叔夏詞比哉
古人有言曰鉛汞交鍊而丹成情景交鍊而詞成指迷
妙訣吾將從叔夏北面而求之山村居士仇遠序

--	--	--	--	--	--	--	--

欽定四庫全書

山中白雲詞卷一

宋 張炎 撰

南浦

春水

波暖綠粼粼燕飛來好是蘇堤纔曉魚沒浪痕圓流紅
去翻笑東風難掃荒橋斷浦柳陰撐出扁舟小回首池
塘青欲遍絕似夢中芳草和雲流出空山甚年年淨
洗花香不了新綠乍生時孤村路猶憶那回曾到餘情

少
渺渺茂林觴詠如今悄前度劉郎歸去後溪上碧桃多

別本

溪燕蹙游絲

一作掠
芹根

漾粼粼鴨綠光動晴曉

一作
碎清

曉

何處落紅多芳菲夢翻入嫩蕓

一作
碎萍

深藻一番

夜雨一番吟老池塘草寂歷

一作
柳下

斷橋人欲

一作
不

渡還見柳陰舟小

一作還棹
漁鄉浪杳

和雲流出空山甚

年年淨洗花香不了新綠乍生時孤村路猶憶那

時曾到傳觴事杳茂林應是依然好

一作可憐難
詠蘭亭舊事

如今少試問清流今在否一作賦情謾心碎浮萍多

少一作門外潮平渡小

高陽臺

西湖春感

接葉巢鶯一作暗平一作明波捲絮斷橋斜日歸船能幾

番游看花又是明年東風且伴薔薇住到薔薇春已堪

憐更一作最悽然萬綠西冷一抹荒烟當年燕子知一作

歸何處但苔深韋曲草暗斜川見說新愁如今也到鷗

邊無心再續

一作結

笙歌夢掩重門淺醉閒眠莫開簾怕

見飛花怕聽啼鵲

憶舊遊

大都長春宮即舊之太極宮也

看方壺擁翠太極垂光積雪初晴闔闔開黃道正綠章

封事飛上層青古臺半壓琪樹引袖拂寒

一作天

星見玉

冷閒坡金明遠宇人住深清

幽尋自來去對

一作嘆

華

表千年天籟無聲

一作草暗碑陰

別

一作中有長生路看花開花

落何處無春露臺深鎖丹氣隔水喚青禽尚記得歸時
鶴衣散影都是雲

淒涼犯

北遊道中寄懷

蕭疎野柳嘶寒馬蘆花深還

一本無還字

見游獵山勢北來

甚時曾到醉魂飛越酸風自咽擁吟鼻征衣暗裂正淒

迷天涯羈旅不似灞橋雪

誰念而今

一作文園

老懶賦長

楊倦懷休說

一作極目寒波坐分黃葉

空憐斷梗夢依依歲華輕別

待擊歌壺怕如意和冰凍折且行行平沙萬里盡是月

壺中天

夜渡古黃河與沈堯道曾子敬同賦

揚舲萬里笑當年底事中分南北須信平生無夢到却

向而今遊歷老柳官河斜陽古道風定

一作正

波猶直野

人驚問汎槎何處狂

一作仙

客

迎面落葉蕭蕭水流沙

共遠都無行跡衰草淒迷秋更綠惟有間鷗獨立浪挾

一作拍

天浮山邀雲去銀浦橫空碧扣舷歌斷海蟾飛上

孤白

別本

御風萬里問當年何事中分南北須信人生無夢
到却笑如今游厯古柳關河斜陽山海落雁秋聲
急野人驚見汎槎何處狂客雲外散髮吟商任
天荒地老露盤猶泣水閣不容鷗獨占一棹芙蓉
香濕蟹舍燈深漁鄉笛遠醉眼留空碧夜涼人靜
霽蟾飛上孤白

聲聲慢

都下與沈堯道同賦

別本作北游答
曾心傳惠詩

平沙催

一作
籠

曉野水驚寒遙岑寸碧烟空萬里冰霜一

夜換却西風晴梢漸無墜葉撼秋聲都是梧桐情正遠

奈吟湘

一作
商

賦楚近日偏慵

客裏依然清事愛窗深

帳暖戲揀香筒片霎歸程無奈夢與心同空教故林怨

鶴掩閉門明月山中春又小甚梅花猶自未逢

綺羅香

席間代人賦情

候館深燈遼天斷羽近日音書疑絕轉眼傷心慵看剩
歌殘闕纔忘了還著思量待去也怎禁離別恨只恨桃
葉空江殷勤不似謝紅葉良宵誰念一作見哽咽對熏
爐象尺閒伴淒切獨立西風猶憶舊家時節隨款步花
密藏春聽私語柳疎嫌月今休問燕約鶯期夢遊空趁
蝶

慶春宮

都下寒食遊人甚盛水邊花外多麗環集各以

柳圈被褰而去亦京洛舊事也

波蕩蘭觴鄰分杏酪畫輝冉冉

一作快風麗日

烘晴冒索飛仙

戲船移景薄遊也自吹人短橋虛市

一作蕙風來處

聽隔柳誰

家

一作綠水人家

賣錫月題爭繫油壁相連笑語逢迎

池亭

小隊秦箏就地圍香臨水湔裙冶態飄雲醉妝扶玉未

應閒了芳情旅懷無限忍不住低低問春梨花落盡一

點新愁

一作煙

曾到西泠

國香

沈梅嬌杭妓也忽於京都見之把酒相勞苦猶
能歌周清真意難忘臺城路二曲因囑余記
其事詞成以羅帕書之

鶯柳煙堤記未吟青子曾比紅兒嬾嬌弄春微透鬟翠
雙垂不道留仙不住便無夢吹到南枝相看兩流落掩
面凝羞怕說當時淒涼歌楚調嫋餘音不放一朵雲
飛丁香枝上幾度款語深期拜了花梢淡月最難忘弄
影牽衣無端動人處過了黃昏猶道休歸

臺城路

庚辰秋九月之北遇汪菊坡一見若驚相對如

夢回憶舊遊已十八年矣因賦此詞

別本菊坡作蘭

坡

十年前事翻疑夢重逢可憐俱老水國春空山城歲晚

無語相看一笑荷衣換了任京洛

一作國

塵沙冷凝風帽

見說吟情近來不到謝池草

懽遊曾步翠窈亂紅迷

紫曲芳意今

一作多一作終

少舞扇招香歌撓喚玉猶

一作翻憶

錢塘蘇小無端暗惱又幾度留連燕昏鶯曉回首妝樓
甚時重一作歸去好

三姝媚

海雲寺千葉杏二株奇麗可觀江南所無越一
日過傅巖起清晏堂見古瓶中數枝云自海
雲來名芙蓉杏因愛玩不去巖起索賦此曲

芙蓉城畔侶乍卸却單衣茜羅重護傍水開時細看來
渾似阮郎前度記得小樓聽一夜江南春雨夢醒簫聲

流水青蘋舊遊何許 誰剪層芳深貯便洗盡長安半
面塵土絕似桃根帶笑痕來伴柳枝嬌舞莫是孤村試
與問酒家何處曾醉梢頭雙果園林未暑

甘州

庚寅歲沈堯道同余北歸各處杭越踰歲堯道
來問寂寞語笑數日又復別去賦此曲并寄

趙學舟

別本庚寅作辛卯堯道作
秋江趙學舟作曾心傳

記玉關踏雪事清遊寒氣脆貂裘傍枯林古道長河飲

馬此意悠悠短夢依然江表老淚灑西州一字無題處
落葉都愁 載取白雲歸去問一作耿誰畱楚佩弄影中
州折蘆花贈遠零落一身秋向尋常野橋流水待招來
不是舊沙鷗空懷感有斜陽處最怕登樓

聲聲慢

為高菊墅賦

別本墅作澗

寒花清事老圃間人相看秋色一作行吟曉氣霏霏帶葉分根
空翠半濕荷衣沅湘舊愁未減有黃金難鑄相思但醉

裏把苔牋重譜不許春知
聊慰幽懷古意且頻簪短
帽休怨斜暉采摘無多一笑竟日忘歸從教護香徑小
似東山還似東籬待去隱怕如今不是晉時

埽花遊

賦高疎寮東墅園

煙霞萬壑記曲徑尋幽霽痕初曉綠窗窈窕看隨花甃
石就泉通沿幾日不來一片蒼雲未掃自長嘯一作度層峭

悵喬木荒涼

一作依依

都是殘照

碧天秋浩渺聽虛籟冷

冷飛下孤峭

一作稱刻竹微吟卧雲孤嘯

山空翠老步仙風怕有采

芝人到野色閒門芳草不除更好境深悄比斜川又清
多少

瑣窗寒

王碧山又號中仙越人也能文工詞琢語峭拔
有白石意度今絕響矣余悼之玉笥山所謂
長歌之哀過於痛哭

斷碧分山空簾剩

一作貯

月故人天外香留

一作迷

酒殢蝴蝶

蜨一生花裏想如

一作猶

今醉

一作怨

魂未醒

一作迷

夜臺夢

語秋聲碎自中仙去後詞牋賦筆便無清致都是淒

涼意

一作慵指
歡娛地

悵

一作正

玉筍埋雲錦袍

一作衣

歸水形容

憔悴料應也孤吟山鬼那知人彈折素絃黃金鑄出相
思淚但柳枝門掩枯陰候蛩愁暗葦

木蘭花慢

為越僧樵隱賦樵山

龜峰深處隱巖壑靜萬塵空任一路白雲山童休掃却

似崆峒只恐

一作休教

爛柯人到怕光陰不與世間同旋采

生枝帶葉微煎石鼎團龍

從容吟嘯百年翁行樂少

扶筇向鏡水傳心柴桑袖手門掩清風如何晉人去後

好林泉都在夕陽中禪外更無今古醉歸明月千松

別本

龜峰游處隱巖壑靜萬塵空聽隔竹敲茶穿花喚

酒曲徑幽通何人爛柯已久怕光陰不與世間同

只住白雲一半任他一半眠龍

崆峒吟嘯百年

翁近日一枝筇向鏡水傳心柴桑袖手門掩清風

如何晉人去後好林泉多在夕陽中禪外更無今

古醉歸明月千松

三姝媚

送舒亦山遊越

蒼潭

一作臺

枯海樹正雪竇高寒水聲東去古意蕭閒問

結廬人遠白雲誰侶賀監猶狂還散跡千巖風露

一作雨

抱瑟空遊都是淒涼此愁難

一作誰

語

莫趁江湖鷗鷺

怕太乙爐荒

一作烟

暗銷鉛虎投老心情未歸來何事共

成羈旅布韉青鞵休誤入桃源深處待得重逢却說巴
山夜雨

掃花遊

台城春飲醉餘偶賦不知詞之所以然

嫩寒禁暖正草色侵衣野光如洗去城數里繞長堤是
柳釣船深艤小立斜陽試數花風第幾問春意待留取
斷紅心事難寄芳訊成撚指甚遠客他鄉老懷如此
醉餘夢裏尚分明認得舊時羅綺可惜空簾誤却歸來

燕子勝遊地想依然斷橋流水

別本嫩寒禁暖傍潤綠人家野船深艤去城數里共微

開笑口

闕

如傾耳倦立斜陽試數花風第幾問春

意待留取斷紅心事難寄芳訊成撚指甚又客

他山老懷如此醉餘夢裏尚分明認得舊時羅綺
暮色簾空誤却歸來燕子斷橋外繞西湖萬花流

水

臺城路

杭友抵越過鑑曲漁舍會飲

春風不暖垂楊樹

一作柳

吹却絮雲

一作綿

多少燕子人家

夕陽巷陌行入野畦深窈窕花鬪草記小艇尋芳斷橋

初曉那日心情幾人同向近來老銷憂何處最好夜

遊頻秉燭猶是遲了南浦歌闌東林社冷贏得如今懷

抱吟悵暗惱待醉也慵聽勸

一作怨

歸啼鳥怕攪離愁亂

紅休去掃

疎影

余於庚寅歲北歸與西湖諸友夜酌因有感於

舊遊寄周草窗

別本庚寅作辛卯

柳黃未結放嫩晴消盡斷橋殘雪隔水人家渾是花陰
曾醉好春時節輕車幾度新堤

一作西泠

曉想如今燕鶯猶

說縱艷遊得似當年早是舊情都別

重到翻

一作方

疑

夢醒弄泉試照影驚見華髮却笑歸來石老雲荒身世
飄然一葉閉門約住青山色自容與吟窗清絕怕夜寒

吹到梅花

一作梢

休捲半簾明月

渡江雲

山陰久客一再逢春回憶西杭渺然愁思

別本作久

客山陰王菊存問
余近作書以寄之

山空天入海

一作野光
薄遠秀

倚樓望極風急暮潮初

一作清
入燒痕

初

一簾鳩外雨幾處閒田隔水動春鋤新煙禁柳想如

今綠到西湖猶記得當年深隱

一作風
流心事

門掩兩三株

愁余荒洲

一作煙

古剎斷梗疎萍更漂流何處空自覺圍

羞帶減影怯燈孤常疑即見桃花面甚近來翻致無書

書縱遠如何夢也都無

瑣窗寒

旅窗孤寂雨意垂垂買舟西渡未能也賦此為錢

塘故人韓竹間問

亂雨敲春深煙帶晚水窗慵凭空簾謾捲數日更無花
影怕依然舊時歸燕定應一作知未識江南冷最憐他樹

底薦紅不語背人吹盡清潤通幽徑待移燈剪韭試

香溫鼎分明醉裏過了幾番風一作花信想竹間高閣半

開小車未來猶自等
傍新晴隔柳呼船待教一作他潮信

汎一作穩

憶舊遊

新朋故侶詩酒遲留
吳山蒼蒼渺渺兮余懷也

寄沈堯道諸公

記開簾送酒隔水懸燈一作花樓放夜梅檻移春款語梅燈一作邊未

了清遊一作烟波興又飄然獨去何處山川一作重聽湘絃淡風暗

收榆莢吹下一作到沈郎錢嘆客裏光陰消磨豔冶都在

尊前 留連殢人處是鏡曲窺鶯蘭阜一作園泉醉拂

珊瑚樹寫百年幽恨分付吟一作牋故鄉幾回飛夢江

雨夜涼一作吹船縱忘却歸期千山未必無杜鵑

水龍吟

白蓮

仙人掌上芙蓉涓涓猶濕金盤露輕妝照水纖裳玉立
飄飄似舞幾度銷凝滿湖煙月一汀鷗鷺記小舟夜悄
波明香遠渾不見花開處 應是浣紗人妒褪紅衣被

誰輕誤閒情淡雅冶容

一作姿

清潤憑嬌待語隔浦相逢

偶然傾蓋似傳心素怕湘臯珮解綠雲十里捲西風去

別本

仙人掌上芙蓉涓涓猶滴金盤露輕妝照水纖裳

玉立無言自舞幾度銷凝滿湖煙月一汀鷗鷺記

小舟清夜波明香遠渾不見花開處應是浣紗

人妒褪紅衣被誰輕誤何郎淡雅

一作意態

六郎清致

一作標格

冷然意趣待折瓊芳楚江難涉那知延佇怕

湘娥佩解綠雲千里捲西風去

憶舊遊

余離羣索居與趙元父一別四載癸巳春於古杭
見之形容憔悴故態頓消以余之況味又有
甚於元父者抑重余之惜因賦此調且寄元
父當為余愀然而悲也

嘆江潭樹老杜曲門荒同賦

一作是

飄零乍見翻疑夢對

蕭蕭亂髮都是愁根秉燭故人歸後花月

一作花夜一作銅雀鎖

春深縱草帶堪題爭如片葉能寄殷勤重尋已無處

尚記得依稀柳下芳

一作東

鄰佇立香

一作東

風外抱孤愁

悽惋羞燕慚鶯俯仰十年前事醉後

一作語

醒還驚又曉

日千峰涓涓露濕花氣生

甘州

題趙葑牖山居見天地心怡顏小柴桑皆其亭

名

倚危樓一笛翠屏空萬里見天心度野光清峭晴峯湧
日冷石生雲簾捲小亭虛院無地不花陰徑曲知何處

春水泠泠 嘯傲柴桑影裏且怡顏莫問誰古誰今任
燕留鷗住聊復慰幽情愛吾廬點塵難到好林泉都付
與閒人還知否元來卜隱不在山深

摸魚子

高愛山隱居

愛吾廬傍湖千頃蒼茫一片清潤晴嵐暖翠融融處花
影倒窺天鏡沙浦迴看野水涵波隔柳橫孤艇眠鷗未
醒甚占得蓴鄉都無人見斜照起春暝 還重省豈料

山中秦

一作無

晉桃源今度

一作殘棋石上

難認林間即是長生

一作桃源

路一笑元非捷徑深更靜待散髮吹簫跨鶴

一作雀背

天風冷憑高露飲正碧落塵空光搖半壁月在萬松頂

風入松

賦稼村

老來學圃樂年華茅屋短籬遮兒孫戲逐田翁去小橋
橫路轉三叉細雨一犁春意西風萬寶生涯 攜筇猶
記渡晴沙流水帶寒鴉門前少得寬閒地遶平疇盡是

桑麻却笑牧童遙指杏花深處人家

鳳凰臺上憶吹簫

趙主簿姚江人也風流蘊藉放情花柳老之將
至况味凄然以其號孤蓬囑余賦之

水國浮家漁村古隱浪遊慣占花深猶記得琵琶半面
曾濕衫青不道江空歲晚桃葉渡還嘆飄零因乘興醉
夢醒時却是山陰投閒倦呼儔侶竟棹入蘆花俗客
難尋風渺渺雲拖暮雪獨釣寒清遠溯流光萬里渾錯

認片竹囊瀛元來是天上太乙真人

解連環

孤雁

楚江空晚悵離羣萬里恍然驚散自顧影欲下寒塘一作

江正沙淨一作靜

草枯水平天遠寫不成書只寄得相思

一點料因循誤了殘氈擁雪故人心眼歎誰憐旅愁在
苒謾長門夜悄錦箏彈怨想伴侶猶宿蘆花也曾念春
前去程應轉暮雨相呼怕驀地玉關重見未羞他雙燕

歸來畫

一作露

簾半捲

滿庭芳

小春

晴皎

一作卷

霜花曉鎔冰羽

一作掩閣烘晴開簾借暖

開簾

一作今朝覺道

寒輕誤聞啼鳥生意又園林閒了淒涼賦筆便而

一作如

今不聽秋聲消凝處一枝借暖

一作苔枝數點

終是未多情

陽和能幾許尋紅探粉也恁忼人笑隣娃癡小料理護

花鈴却怕驚回睡蝶恐和他草夢都醒還知否能消幾

日風雪灞橋深

憶舊遊

登蓬萊閣

別本登下有
越州二字

問蓬萊何處風月依然萬里江清休說神仙事使神仙
縱有即是閒人笑我幾番醒醉石磴掃松陰任一作甚狂

客難招采芳難贈且自微吟俯仰成陳迹嘆百年誰

在闌檻孤憑海日生殘夜看卧龍和夢飛入秋冥還聽

水聲東去山冷不生雲正目極空寒一作萬里高寒蕭蕭漢柏

愁茂陵

解連環

拜陳西麓墓

句章城郭問千年往事

一作事往

幾回歸鶴嘆貞元朝士無

多又日冷湖陰柳邊門鑰向北來時無處認江南花落

縱荷衣未改病損茂陵總是離索 山中故人去却但

碎寒峴首舊景如昨悵二喬空老春深正歌斷簾空草

暗昏

一作

銅雀楚魄難招被萬疊閒雲迷着料猶是聽風

聽雨一作朗吟夜壑

山中樓扁
萬疊雲

山中白雲詞卷一

欽定四庫全書

山中白雲詞卷二

宋 張炎 撰

臺城路

寄姚江太白山人陳文卿

別本文卿
作又新

薛濤牋上相思字重開
又還重摺載酒船
空眠波柳老
一縷離痕難折
虛沙動月嘆千里
悲歌唾壺敲缺
却說巴山此時懷抱
那時節
寒香深處話別病來
渾瘦損
懶賦情切
太白閒雲新豐舊雨
多少英遊消歇
回潮似

咽送一點秋

一作愁

心故人天末江影沈沈露

一作夜

涼鷗

夢閣

却說二句詞綜本作記得巴山此時懷抱那時說與此二本皆不同

別本

薛濤牋上相思字重開又還重摺太白秋聲東瀛

柳色誰把柔條相

一作猶

結虛沙動月嘆千里悲歌

唾壺敲缺却說巴山這回知是甚時節

紅香深

處話別病來渾瘦損獨抱情切笑裏移春吟邊嘅

古多少英雄消歇回潮似咽送一點秋心故人天

末江影沈沈露涼鷗夢閣

聲聲慢

送琴友季靜軒還杭

荷衣消翠蕙帶餘香燈前共語生平苦竹黃蘆都是夢
裏游情西湖幾番夜雨怕如今冷却鷗盟倩寄遠見故
人說道杜老飄零難挽清風一作冷然飛珮有相思都在

斷柳長汀此別何如一笑寫入瑤琴天空水雲變色任

惓惓山鬼愁聽興未已一作待去也更一作又妨彈到廣陵

水龍吟

春晚留別故人

別本春晚
作客中

亂紅飛已

一作盡

無多豔遊終是如今少一番雨過

一作過雨

一番春減催人漸老倚檻調鶯捲簾收燕故園空杳奈

關愁不

一作未

住悠悠萬里渾恰似

一作似

天涯草

不

擬

一作礙

相逢古

一作故

道

一作長汀懽笑

纔疑夢又還驚覺清風

在柳江搖白浪舟行趁曉

一作吟窗剪燭郵亭維纜山晴水曉

遮莫重來

不如休去怎堪懷抱那知又五柳門荒曾

一作多

聽得鶻

啼了

一萼紅

賦紅梅

倚闌干問綠華何事偷餌九還

一作華

丹沆錦溪邊殢霞

竹裏

外一作翠

袖不倚天寒照芳

一作苔

樹晴光泛曉護

一作

誤

么鳳無處認冰顏

露洗春腴風搖醉

一作翠

魄聽笛江

南

樹

一作枝

掛珊瑚冷月嘆玉奴妝褪仙掾詩慳

一作間

謾覓花雲不同黎夢

一作素被羞熏梨雲無夢

推蓬恍記孤山步夜

雪前村問酒幾銷凝把做杏花看得似古桃流水不到

人間

祝英臺近

與周草窗話舊

水痕

一作草痕

深花信足

一作了

寂寞漢南樹轉首青

一作清

陰

芳事

一作意

頗如許不知多少銷魂夜來風雨猶夢到斷

紅流處

最無據長年息影空山愁入庾郎句玉老田

荒心事已遲暮幾回聽得啼鵲不如歸去終不似舊時

鸚鵡

月下笛

孤遊萬竹山中間
門落葉愁思黯然因動黍離之感
時寓甬東積翠山舍

萬里

一作竹

孤雲

一作峯

清遊漸遠故人何處寒窗夢裏猶

一作曾

記經行舊時路連昌約略無多柳第一是難聽夜

雨謾驚回淒悄相看竹影擁衾誰語
張緒歸何暮半

零落依依斷橋鷗鷺天涯倦旅

一作抱影

此時心事良苦只

愁重洒西州淚問杜曲人家在否

一作怕不是當初伴侶

恐翠袖

正天寒猶倚梅花那樹

水龍吟

寄袁竹初

幾番問竹平安雁書不盡相思字籬根半樹村深孤艇
閑干屢倚遠草兼雲凍河膠雪此時行李望去程無數
并州回首還又渡桑乾水笑我曾遊萬里甚匆匆便

成歸計江空歲晚栖遲猶在吳頭楚尾疎一作獨柳經寒

斷槎浮

一作漂

月依然憔悴待相逢說與相思想亦在相

思裏

綺羅香

紅葉

萬里飛霜

一作霜飛又作一夜新霜

千林落木

一作千林木落

寒豔不招春

妒

一作翻成春樹

楓冷吳江獨客又吟愁句正船艤流水孤村

似花繞斜陽歸路

一作芳樹

甚荒溝一片淒涼載情不去載

愁

一作秋

去

長安誰問倦旅羞見衰顏借酒飄零如許

慢倚新妝不入洛陽花譜

一作小字金書心事已成塵土

為回風起舞

尊前盡化作斷霞千縷記陰陰綠遍江南夜窗聽暗雨

洞仙歌

觀王碧山花外詞集有感

野

一作亂

鶻啼月便角巾還第輕擲詩瓢付

一作趁

流水最

無端小院寂歷

一作實

春空門自掩柳髮離離如此可

惜歡娛地雨冷雲昏不見當時譜銀字舊曲怯重翻總

是離愁

一作愁音

淚痕灑一簾花碎夢沈沈知道不歸來尚

錯問桃根醉魂醒未

新雁過妝樓

賦菊

風雨不來深院悄

一作曉

清事正滿東籬杖藜重到秋氣

冉冉吹衣瘦碧飄蕭搖露梗膩黃秀野拂霜枝憶芳時

翠微喚酒江雁初飛

湘潭

一作澤

無人弔楚嘆落莫自

采誰寄

一作記

相思淡泊生涯聊伴老圃斜暉寒香應遍

故里想鶴怨山空猶

一作人

未歸歸何晚問徑松不語只

有花知

江神子

孫虛齋作四雲庵俾余賦之兩雲之間

奇峰相對接殊庭乍微晴又微陰舍北江東如蓋自亭
亭翻笑天台連雁蕩隔一片不逢君此中幽趣許誰
隣境雙清人獨清采藥難尋童子語山深絕似醉翁遊
樂意林壑靜聽泉聲

塞翁吟

友雲

交到無心處出岫細話幽期看流水意俱遲且淡薄相
依凌霄未肯從龍去物外共鶴忘機迷古洞掩晴暉翠
影濕行衣 飛飛垂天翼飄然萬里愁日暮佳人未歸
尚記得巴山夜雨耿無語共說生平都付陶詩休題五
朶莫夢陽臺不贈相思

祝英臺近

耕雲

占寬閒鉏浩渺船艤水村悄非霧

一作霽

非煙生氣

一作意

覆瑤草蒙茸數畝春陰夢魂落寞知踏碎梨花多少
聽孤嘯山淺種玉人歸縹緲度晴峭鶴下芝田五色散
微照笑他隔浦誰家牛江疎雨空吟斷一犁清曉

風入松

岫雲

捲舒無意入虛玄丘壑伴雲煙石根清氣千年潤覆孤
松深護啼猿靄靄靜隨仙隱悠悠閒對僧眠 傍花懶
向小溪邊空谷覆流泉浮蹤自感今如此無心萬里行

天記得晉人歸去御風飛過斜川

瑤臺聚八仙

為野舟賦

帶雨春潮人不渡沙外曉色迢迢自橫深靜誰見隔柳
停橈知我知魚未是樂轉蓬間趁白鷗招任風飄夜來
酒醒何處江皋泛宅浮家更好度菰蒲影裏濯足吹
簫坐閱千帆空競萬里波濤他年五湖訪隱第一是吳
淞第四橋玄真子共遊煙水人月俱高

疎影

梅影

黃昏片月似

映一作

碎陰滿地還更清絕枝北枝南疑有

疑無幾度背燈難折依稀倩

一作靚

女離魂處緩步出前

村時節看夜深竹外橫斜應妒過雲明滅 窺鏡蛾眉

淡抹為容不在貌獨抱孤潔莫是花光描取春痕不怕

麗譙吹徹還驚海上燃犀去

一作處

照水底珊瑚如

一作疑

活做弄得酒醒天寒空對一庭香雪

木蘭花慢

書鄧牧心東遊詩卷後

采芳洲薜荔流水外白鷗前度萬壑千巖晴嵐暖翠心
目娟娟山川自今自古怕依然認得米家船明月間延
夜語落花靜擁春眠吟邊象筆蠻牋清絕處小留連
正寂寂江潭樹猶如此那更啼鶻居廛閉門隱几好林
泉都在臥遊邊一作編記得當時舊事誤人却是桃源

風入松

陳文卿酒邊偶賦

小窗晴碧颭簾波
畫影舞飛梭
惜春休

一作猶

問花多少

柳成陰

一作陰成一作柳陰中

春已無多金字

一作塵篋

初尋小扇銖

衣

一作山房

早試輕羅

一作乍試泥金巧扇初裁水碧輕羅

園林未肯受清

和人醉牡丹坡嘯歌且盡平生事
問東風畢竟如何燕

子尋常巷陌酒邊莫唱西河

臺城路

遊北山寺

別本作雪竇寺訪同野雲日東巖

雲多

一作雪深

不記山深淺人行半天巖壑曠野飛聲虛空

倒側

一作影松

挂危峰疑落流泉噴薄自窈窕尋源引瓢

孤酌倦倚高寒少年遊事老方覺

幽尋閒院邃閣樹

涼僧坐夏翻笑

一作深占

行樂近竹驚秋

一作敲茶

穿蘿誤晚

一作

閒坡種藥

都把塵緣消却東林似昨

一作東隣舊約

待學取當年晉

人曾約童子何知故山空放鶴

一作算只有淵明至今寥冥動是千年未歸華

表鶴

還京樂

送陳行之歸吳

醉吟遊

一作處

處多是琴尊竟日松下語有筆牀茶竈瘦筇

相引逢花須住正翠陰迷路年光

一作華

荏苒成孤旅待

趁燕樯休忘了玄都前度

漸煙波遠怕五湖淒冷

一作

西佳人袖薄修竹依依日暮

一作依然見了須說千愁萬緒

知他甚處

一作日

重逢

一作來

便匆匆

一作忙

背帶

一作潮人

歸去

莫因

循誤了

一作却

幽期應辜舊雨佇立山風晚月明

一作明月搖

碎江樹

臺城路

章靜山別業會飲

一窗煙雨不除草移家靜藏深窈東晉圖書南山杞菊
誰識幽居懷抱疎陰未掃嘆喬木猶存易分殘照慷慨
悲歌故人多向近來老

一作少

相逢何事欠早愛吟心

共苦此意難表野水無鷗閒門斷柳不滿清風一笑荷
衣製了待尋壑經丘遡雲孤嘯學取淵明抱琴歸去好

梅子黃時雨

病後別羅江諸友

別本作病中懷歸

流水孤村愛塵事，頃消來訪深隱。向醉裏誰扶滿身花，

影鷗鷺相看如。

一作鷺相比

瘦近來

一作茂陵

不是傷春病，嗟流

景竹外野橋猶繫煙艇。

誰引斜川歸興，便啼鵲縱少

無奈

一作爭忍

時聽待棹，擊空明魚

一作烟

波千頃，彈到琵琶。

留不住，最愁人是黃昏近。江風緊，一行柳絲吹暝。

西子妝慢

吳夢窗自製此曲，余喜其聲調妍雅，久欲述之。

而未能甲午春寓羅江與羅景良野遊江上
綠陰芳草景况離離因填此解惜舊譜零落

不能倚聲而歌也

別本羅景良
作陳文卿

白浪搖天青陰漲地一片野懷幽意楊花點點是春心

替風前萬花吹淚遙岑寸碧

一作殘
山刺水

有誰識

一作看

朝來

清氣自沈吟甚流

一作風

光輕擲

一作把

繁華如此

斜陽

外隱約孤村隔塢閒門閉漁舟何似

一作自

莫

一作不

歸來

想桃源路通人世

一作問
桃開未

危橋

一作樓
一作欄

靜倚千年事都

消一醉謾依依愁落鵑聲萬里

聲聲慢

賦漁隱

門當竹徑鷺管苔磯煙波自有閒人棹入孤村落照正
滿寒汀桃花遠迷洞口想如今方信無秦醉夢醒向滄
浪容與淨濯蘭纓欸乃一聲歸去對筆牀茶竈寄傲
幽情雨笠風蓑古意謾說玄真知魚淡然自樂釣清名
空在絲綸笑未已笑嚴陵還笑渭濱

湘月

余載書往來山陰道中每以事奪不能盡興戊
子冬晚與徐平野王中仙曳舟溪上天空水
寒古意蕭颯中仙有詞雅麗平野作晉雪圖
亦清逸可觀余述此詞蓋白石念奴嬌禹指
聲也

行行且止把乾坤收入

一作拾

蓬窗深裏

一作把乾坤清事攬歸篷底

星散白鷗三四點數筆橫

一作秋

塘秋

一作清

意岸觜衝波

籬根受擁一作

葉野逕通村市疎風迎面

一作古林深處

溼衣原

是空翠

堪嘆敲雪門荒爭棋墅冷苦竹鳴山鬼縱使

如今猶有晉無復清遊如此落日沙黃遠天雲淡弄影
蘆花外幾時歸去剪取一半煙水

長亭怨

為任次山賦馴鷺

笑海上白鷗盟冷飛過前灘又顧

一作自看

秋影似我知魚

亂蒲流水動清飲歲華空老猶一縷柔絲戀頂慵憶鴛

行想應是朝回花徑 人靜悵離羣日暮都把野情消
盡山中舊隱料獨樹尚懸蒼暝引殘夢直上青天又何
處溪風吹醒定莫負歸舟同載煙波千頃

徵招

聽袁伯長琴

別本琴上有太古二字

秋風

一作聲

吹碎江南樹石牀自聽流水別鶴不

一作夜

歸

來引悲風千里餘音猶在耳有誰識醉翁深意去國情
懷草枯沙遠尚鳴山鬼 客裏可消憂人間世寥寥幾

年無此杏老古壇荒把淒涼空指心塵聊更洗傍何處
竹邊松底共良夜白月紛紛一作娟娟領一天清氣

法曲獻仙音

席上聽琵琶有感

雲隱山暉樹分溪影未放妝臺一作樓簾捲篝一作窗密籠

一作收香鏡圓窺粉一作袖鼎溫花深自然寒淺正人在

銀屏底琵琶半遮面語聲軟且休彈玉關愁一作秋怨

怕喚起西湖那時春感楊柳古灣頭記小憐隔水曾見

聽到無聲謾贏得情緒難剪把一襟心事散入落梅千點

渡江雲

懷歸

別本作客中寒
食書以寫興

江山居

一作歸

未定貂裘已敝空自帶愁歸亂花流水外

訪里尋鄰都是可憐時橋邊燕子似軟語斜日江籬休
問我如今心事錯認鏡中誰還思新煙驚換舊雨難
招做不成春意渾未省誰家芳草猶夢吟詩一株古柳

觀魚港傍清池足可幽棲閒趣好白鷗尚識天隨

別
本 玉京遊已倦貂裘背雪故國一身歸浣花流水外

訪里尋鄰都是可憐時孤雲遡遠愁倒影斜日江
籬休問取如今成事老鬢漸垂絲 悽悽停杯看
劍換鼎分香做不成春意渾未省誰家芳草猶夢
新詩淒涼最是梅邊月怕夜寒倚竹依依歸去好
白鷗認得天隨

鬪嬋娟

春感

別本作故園荒沒懼
事去心有感而作

舊家池沼尋芳處

一作簾
休下

從教飛燕頻繞一灣柳護水

房春看鏡鸞窺曉暈宿酒

一作
粉

雙蛾淡掃羅襦飄帶腰

圍小盡醉方歸去又暗約明朝鬪草誰解先到心緒

亂若晴

一作
游

絲那回遊處墜紅爭戀殘照近來心事漸

無多尚被鶯聲惱便白髮如今縱少情懷不似前時好

謾佇立東風外

一作慢重
省燕臺句

愁極還醒背花一笑

暗香

海濱孤寂有懷秋江竹間二友

別本作海濱孤寂魚浪不來寄

李商隱

羽音遼邈

一作雁書寥莫一作故交零落

怪四

一作虛

簷畫

一作靜

悄近來

無鵲木

一作水

葉吹寒極目凝思

一作愁思一作凝情

倚江閣

不信相如便老猶未減當時遊樂但趁他鬪

一作書

草籌

花終是帶離索

憶昨更情惡

一作寂寞一作偏覺

謾認着梅花

是君還錯石牀冷落閒掃松陰與誰酌一自飄零

一作流

去遠幾誤了燈前深約縱到此歸未得幾曾忘却

玉漏遲

登無盡上人山樓

竹多塵自掃幽通徑曲禪房深窈空翠吹衣坐對閒

一作

野

雲舒

一作孤

嘯寒

一作喬

木猶懸故葉又過了一番殘

一作

斜

照經院悄詩夢正迷

一作寒

獨憐衰草

幽

一作佳

趣盡屬

閒僧渾未識人間落花啼鳥呼酒凭高莫問四愁三笑

可惜秦山晉水甚却向此時登眺清趣

一作處一作致

少那更

好游人老

長亭怨

歲庚寅會吳菊泉於燕薊越八年再會於甬東

未幾別去將復之北遂作此曲


別本庚寅作辛卯

記橫笛玉關高處萬里沙寒雪深無路破却貂裘遠遊
歸後與一作共誰譜故人何許渾忘了江南舊雨不擬重

逢應笑我飄零如羽同去釣珊瑚海樹底事又成行

旅煙蓬斷浦更幾點戀人飛絮如今又京洛一作國尋春

定應被薇花畱住且莫把孤愁說與當時歌舞



山中白雲詞卷二

欽定四庫全書

集部

山中白雲詞卷三

詳校官編修臣周瓊

侍讀臣孫球覆勘

總校官庶吉士臣何思鈞

校對官中書臣金光悌

謄錄監生臣黃廷璧

欽定四庫全書

山中白雲詞卷三

宋 張炎 撰

西河

依綠莊賞荷分淨字韻

別本依上有史元叟三字

花最盛西湖會泛煙艇鬧紅深處小秦箏斷橋夜飲鴛
鴦水宿不知寒如今翻被驚醒那時事都倦省闌干
來此閒凭是誰分得半機一作機雲恍疑畫錦想當別本多年
字飛燕皺裙時舞盤微墮珠粉軟波不剪素練淨碧

盈盈移下秋影醉裏玉書難認且脫巾露髮飄然乘興
一葉浮香天風冷

玲瓏四犯

杭友促歸調此寄意

流水人家乍過了斜陽一片蒼樹怕聽秋聲却是舊愁
來處因甚尚客殊鄉自笑我被誰留住問種桃莫是前
度不擬桃花輕誤少年未識相思苦最難禁此時情
緒行雲暗與風流散方信別淚如雨何況帳空夜鶴一作

鵲
怎奈向如今歸去更可憐間裏白了頭還知否

淒涼犯

過隣家見故園有感

別本無題

西風暗剪荷衣碎柔絲不解重緝荒煙斷浦晴暉歷一作

零亂半江搖碧悠悠望極忍獨聽秋聲漸急更憐他柳

髮蕭條相與動愁色老態今如此猶自留連醉筇遊

屐一作慷慨猶歌唾壺空擊不堪瘦影渺天涯儘成行客因甚忘歸

謾吹裂山陽夜笛夢三十六陂流水去未得

聲聲慢

別四明諸友歸杭

山風古道海國輕車相逢只在東瀛淡薄秋光恰似此

日遊情休嗟鬢絲

一作梳

斷雪

一作唾壺暗缺

喜閒身重渡

一作入一

過作

西泠

一作林

又遡遠趁回潮拍岸斷浦揚舲

莫向長

亭折柳正紛紛落葉同是飄零舊隱新招知住第幾層

雲疎籬尚存晉菊想依然認得淵明待去也最愁人猶

戀故人

燭影搖紅

西浙冬春間遊事之盛惟杭為然余冉冉老矣
始復歸杭與二三友行歌雲舞繡中亦清時
之可樂以詞寫之

舟艤鷗波訪隣尋里愁都散老來猶似柳風流先露看
花眼閒一作重把花枝細揀笑盈盈和香待剪也應回首

紫曲門荒當年一作時遊慣簫鼓黃昏動人心處一作事

情無限錦街不甚月明多早已驕塵滿繞過風柔夜暖

漸迤逦芳程遞趨向西湖去

一作舊
曾游處

那里人家依然鶯

燕

憶舊遊

過故園有感

別本作過隣家
望故園有感

記凝妝倚扇笑眼窺簾曾款芳尊步屨交枝逕引生香
不斷流水中分忘了牡丹名字和露撥花根甚杜牧重
來買栽無地都是銷魂空存斷腸草伴幾摺眉痕幾點
啼痕鏡裏芙蓉老問如今何處綰綠梳雲怕有舊時歸

燕猶自識黃昏待說與羈愁

一作追游

遙知路隔楊柳門

春從天上來

己亥春復回西湖飲靜傳董高士樓作此解以
寫我憂

海上回槎認舊時鷗鷺猶戀蒹葭影散香消水流雲在
疎樹十里寒沙難問錢塘蘇小都不見擘竹分茶更堪

嗟似

一作向

荻花江上誰弄

一作嘆餘音
嫋嫋却是

琵琶

煙霞自

延晚照盡換了西林

一作陵

窈窕紋紗蝴蝶飛來不知是

夢猶疑春在隣家一掬幽懷難寫

一作未必
銅駝解語

春何處春已

天涯減繁華是山中

一作且
休嫌

杜宇不

一作
莫

是

一作
只恨

楊花

甘州

賦衆芳所在

看涓涓兩水自東西中有百花莊步交枝逕裏簾分晝
影窗聚春香依約誰教鸚鵡列屋帶垂楊方喜閒居好
翻為詩忙 多少周情柳思向一丘一壑留戀年光又
何心逐鹿蕉夢正錢塘且休將扇塵輕障萬山深不是

舊河陽無人識牡丹開處重見韓湘

慶清朝

韓亦顏歸隱兩水之濱殆未遜王右丞茱萸泝

予從之遊盤花旋竹散懷吟眺一任所適太

白去後三百年無此樂也

別本無太白去後二句

淺草猶霜融泥未燕晴梢潤葉初乾閒扶短策隣家

一作

尋幽小聚清歡錯認籬根是雪梅花過了一番寒風還峭

較遲芳信却是春殘

此境此時此意待攜琴獨去不

冷慵彈飄飄爽氣飛鳥相與俱還醉裏不知何處

一作潭影

空推

醉魄好詩盡在夕陽山山深杳更無人到流水花間

真珠簾

梨花

綠房幾夜迎清曉光搖動素月溶溶如水惆悵一株寒

記東閣閒倚近日花邊

一作間

無舊雨便寂寞何曾吹淚

燭外謾羞得紅妝而今猶睡琪樹皎立風前萬塵空

獨挹飄然清氣雅淡不成嬌擁玲瓏

一作娟娟

春意落窳

一作

淡淡雲深詩夢淺但一似唐昌宮裏元是是分明錯認當

時玉蕊

探春慢

雪霽

銀浦流雲綠房迎曉一抹牆腰月淡暖玉生煙懸冰解

凍

一作融露碎

一作頻

滴瑤階如霰

一作點點

纔放些晴意早瘦了

梅花一半也知不做花看

一作不作花香

東風何事吹散搖

落似

一作易

成秋苑甚釀得春來怕教春見野渡舟回前

村門掩應是不勝清怨次第尋芳去灞橋外蕙香波暖

猶妒

一作聽

簷聲看燈人在深院

別本

銀浦流雲綠房迎曉浮浮光粲初覩燒色初分庭

陰還凍猶憶瑤瑤幾片纔放此晴意早消瘦南枝

一半也知不做花看向風何事吹散惆悵瓊林

夢斷空釀得春成還怕春見凍解厓陰漸垂山溜

淨洗修眉重展添作寒江水泛蕙渚波明香滿尚

聽簷聲誰家試燈深院

風入松

春遊

別本作
醉花邊

一春不是不尋春，終是不忺人。好懷漸向中年減，對歌

鐘，渾沒心

一作風

情短帽

一作夢

怕黏飛絮，輕衫厭撲游塵。

暖香十里軟

一作款

鶯聲小舫

一作艇

綠楊陰夢隨蝴蝶

飄零後，尚依依花月。關心惆悵一株一作東，關黎雪明年甚

處清明

渡江雲

次趙元父韻

錦香

一作薜

繚繞地深

一作涼

燈挂壁簾影浪花斜酒船歸

去後轉首河橋那處認紋紗重盟鏡約還記得前度秦

嘉惟只有葉題堪寄

一作付

流不到天涯

驚嗟十年心

事幾曲闌干想蕭娘聲價閒過了黃昏時候疎柳啼鴉

浦潮夜湧平沙白

一作淨

問

一作遡

斷鴻知落誰家書又遠

空江片月蘆花

探芳信

西湖春感寄草窗

別本作次
周草窗韻

坐清晝正冶思

一作興

紫花餘醒倦酒甚探

一作採

芳人老

芳心尚如舊銷魂忍說銅駝事不是因春瘦向西園竹

掃頽垣蔓蘿荒甃

風雨夜來驟嘆歌冷鶯簾恨凝蛾

岫愁到今年多似去年否舊

一作賦

情懶聽山陽笛目極

一作短髮

空搔首我何堪老却江潭漢柳

聲聲慢

題吳夢窗遺筆

別本作題夢窗自
度曲霜花腴卷後

煙堤小舫雨屋深燈春衫慣染京塵舞柳歌桃心事暗

惱東鄰渾疑夜窗夢蝶到如今猶宿花陰

一作深

待喚起

甚江籬搖落化作秋聲回首曲終人遠

一作去

黯銷魂

忍看朶朶芳雲潤

一作戲

墨空題惆悵醉魄難醒獨憐水

樓賦筆有斜陽還怕登臨愁未了聽殘鶯啼過柳陰

徵招

答仇山村見寄

可憐張緒門前柳相看頭非年少三徑已荒涼更如今

懷抱薄游渾是感滿煙水

一作喬木

東風殘照古調誰彈古

音誰賞

一作聽

歲華空老

京洛染緇塵悠然

一作悠悠

意獨

對南山一笑只在此山中甚相逢不早瘦吟心共苦知
幾度剪燈窗小何時更聽雨巴山賦草池春曉

甘州

餞草窗歸雪

記天風飛珮紫霞邊顧曲萬花深甚相如情

一作游

倦少

陵愁老

闕

嘆飄零短夢恍然今昔故國十年心回首三

一作三徑松竹成陰 不恨片蓬南浦恨剪燈聽雨誰

作孤吟料瘦筇歸後閒鎖北山雲是幾番柳邊竹色是

幾番同

一作長

醉古園林煙波遠筆牀茶竈何處逢君

一萼紅

弁陽翁新居堂名志雅詞名蕢洲漁笛譜

製荷衣傍山窗卜隱雅志可閒時款竹門深移花檻小
動人芳意菲菲怕冷落蕢洲夜月想時將漁笛靜中吹
塵外柴桑燈前兒女笑語忘歸 分得煙霞數畝乍掃

苔尋徑撥葉通池放鶴幽情吟鶯歡事老去却願春遲
愛吾廬琴書自樂好襟懷初不要人知長日一簾芳草
一卷新詩

高陽臺

慶承園即韓平原南園戊寅歲過之僅存丹桂
百餘株有碑記在荆榛中故未有亦猶今之
視昔之感復嘆葛嶺賈相之故廬也

古木迷鴉虛堂起燕懽遊轉眼驚心南圃東窗酸風掃

盡芳塵鬢貂飛入平原草最可憐渾是秋陰一作聲夜沈

沈不信歸魂不到花深吹簫踏葉一作散髮幽尋去任船

依斷石袖裏寒雲一作向橋邊喚酒樹底行吟老桂懸香珊瑚碎擊

無聲一作身在山中舉頭一片香雲故園已是愁如許撫殘碑却又傷

今更關情秋水人家斜照西冷一作山林秋水觀一作相行樂處

臺城路

送周方山遊吳

朗吟未了西湖酒驚心又歌南浦折柳官橋呼船野渡

還聽垂虹

一作憶五湖

風雨漂流最苦況如此江山此時情

緒怕有鷓鴣夸笑人

一作君

何事載詩去

荒臺祇今在否

登臨休望遠都是愁處暗草埋沙明波洗月誰念天涯

羈旅荷陰未暑快料理歸程

一作飛珮歸來

再盟鷗鷺只恐

一作

有空山

一作見說江南

近來無杜宇

桂枝香

送賓月葉公東歸

晴江迴闊又客裏天涯還嘆輕別萬里潮生一櫂柳絲

猶結荷衣好向山中補共飄零幾年霜雪賦歸何晚依
依徑菊弄香時節料此去清遊未歇引一片秋聲都
付吟篋落葉長安古意對人休說相思只在相留處有
孤芳可憐空折舊懷難寫山陽怨笛夜涼吹月

慶春宮

金粟洞天

蟾窟研霜蜂房點蠟一枝曾伴涼宵清氣初生丹心未
折濃豔到此都消避風歸去貯金屋妝成漢嬌粟肌微

潤和露吹香直與秋高 小山舊隱重一作誰招記得相

逢古道迢迢把酒長歌插花短舞誰在水國吹簫餘音
何處看萬里星河動搖廣庭人散月淡天心鶴下銀橋

長亭怨

舊居有感

望花外小橋流水門巷悵悵玉簫聲絕鶴去臺空珮環

何處弄明月十年前事愁千折一作結心情頓別露粉風

香誰為主都成消歇 淒咽曉一作小窗分袂處同把帶

鴛親結江空歲晚便忘了尊前曾說恨西風不庇寒蟬
便掃盡一林殘葉謝

一本有他字

楊柳多情還有綠陰時節

甘州

寄李筠房

望涓涓一水隱芙蓉幾被暮雲遮正憑高送目

一作望極西

風斷雁殘月平沙未覺丹楓盡老搖落已堪嗟無避秋
聲處愁滿天涯一自盟鷗別後甚酒瓢詩錦輕誤年
華料荷衣初煖不忍負煙霞記前度剪燈一笑再相逢

知一作却在那人家空山遠白雲休贈只贈梅花

前調

趙文升索賦散樂妓桂卿

隔花窺半面帶天香吹動一天秋嘆行雲流水寒枝夜
鵲楊柳灣頭浪打石城風急難繫莫愁舟未了笙歌夢
倚櫂西州重省尋春樂事奈如今老去鬢改花羞指
斜陽巷陌都是舊曾遊憑寄與采芳儔侶且不須容易
說風流爭得似桃根桃葉明月妝樓

疎影

題賓月圖

雪空四野照歸心萬里千峰獨立身與天游一洗襟懷

海鏡倒湧秋白

一作日

相逢懶問盈虧事但脈脈此情無

極是幾番飛蓋追隨桂底露衣香濕閒款樓臺夜色

料水光未許人世先得影裏分明認得山河一笑亂山
橫碧乾坤許大須容我渾忘了醉鄉猶客待倩誰招下
清風共結歲寒三益

湘月

賦雲溪

隨風萬里已無心出岫浮游天地為問山中何所有此
意不堪持寄淡薄相依行藏自適一片松陰外石根蒼
潤飄飄元是清氣長伴暗谷泉生晴光潏潏濕影搖
花碎濁濁波濤江漢裏忽見清流如此枝上瓢空鷗前

一作沙淨欲洗幽

一作愁

人耳白蘋洲上浩歌一櫂春水

別本從龍萬里渺滄溟一粟浮游天地為問山中何所

有心事不堪持寄古態行藏閒情舒卷飛出紅塵
外石根蒼潤飄然一片清氣長伴澗底泉生晴
光潏潏濕影搖花碎濁濁波濤江漢裏忽見清流
如此鶴浴沙寒鷗眠竹淨深會漁翁意白蘋洲上
浩歌一櫂春水

真珠簾

近雅軒即事

雲深別有深

一作新

庭宇小簾櫳

一作窗間一作紗窗一作窗櫳

占取芳

菲一作園林多處花暗水房春潤幾番酥雨見說蘇堤一作堤邊

晴未穩便懶一作好趁踏青人去休去且料理琴書夸猶

今古誰見靜裏閒心一作佳趣靜樂蕭閒縱荷衣未茸一作緝雪

巢堪賦醉醒一乾坤任此情何許茂樹石牀同一作因坐

久一作嘯傲行行歸較晚又却被清風留住欲住奈簾影妝樓一作

簾捲西園剪燈人語

大聖樂

華春堂分韻同趙學舟賦

隱市山林傍家池館頓成佳趣是幾番臨水看雲就樹

攬香

一作芳

詩滿闌干橫處翠徑小車行花影聽一片春

聲人笑語深庭

一作院

宇對清晴

一作

畫漸長閒教鸚鵡

芳情緩尋細數愛碧草平煙

一作烟

江紅一作空

自雨任燕

鷗來鶯

一作鷗

去香凝翠暖

一作心未老

歌酒清時鐘鼓

別本

無歌酒字

二十四簾冰壺裏有誰在簫臺猶醉舞吹笙侶倚

高寒半天風露

瑞鶴仙

趙文升席上代去姬寫懷

楚雲分斷雨，問那回因甚。琴心先許，匆匆話離緒，正花
房蜂鬧。着春無處，殘歌剩舞。尚隱約當時院宇，暗銷凝

銅雀深深。

一作從
此愁多

忍一作
誰

把小喬輕誤。

休賦玉尊別。

後老葉沈溝，暗珠還浦，歡遊再

一作
試

數能幾日。采芳去

一作能幾
日歡娛開

最一作
又

無端做了霎時嬌夢。不道風流恁苦。

把餘情付與秋蛩，夜長自語。

祝英臺近

重過西湖書所見

水西船山北酒多為買春去事與雲消飛過舊時雨謾

留一掬相思待題紅葉

一作豆

奈紅葉

一作豆

更無題處

正延竚亂花渾不知名嬌小未成語短櫂輕裝

一作表

逢

迎斷橋路那知楊柳風流樹猶如此更休道少年張緒

戀繡衾

代題武桂卿扇

一枝涼玉歌路塵下瑤臺疑是夢雲怕趁取西風去被

何人拈住皺裙 溫柔只在秋波裏這些兒真箇動心
再同飲花前酒莫都忘今夜夜深

甘州

趙文叔與余賦別十年餘余方東游文叔北歸
况味俱寥落更十年觀此曲又當何如耶

記當年紫曲戲分花簾影最深深聽惺忪語笑香尋古

字譜掐新聲散盡

一作歌舞

黃金歌舞

一作去後

那處著春情夢

醒方知夢夢豈無憑 幾點別餘清淚盡化作妝樓斷

雨殘雲指梢頭舊恨豆蔻結愁

一作秋
一作同

心都休問北來

南去但依依同是可憐人還飄泊何時

一作處

尊酒却說

如今

浣溪紗

犀押重簾水院深柳綿

一作楊花

撲帳晝惺惺夢回孤蝶弄

春陰乍減楚

一作寒

衣收帶眼初勻商

一作暖

鼎熨香心

燕歸搖動護花鈴

菩薩蠻

蕊香不戀琵琶結舞衣折損藏花蝶春夢未堪憑幾時
春夢真愁把殘更數淚落燈前雨歌酒一作舞可曾快
情懷似去年

四字令

鶯吟翠屏簾吹絮雲東風也怕花嗔帶飛花趕春隣
娃笑迎嬉遊趁晴明朝何處相尋那人家柳陰

山中白雲詞卷三